

ایکینجی سنہ

نومرو : ۱

خزینہ اوراق

تاریخ ناسیسی
۱ مایس سنہ ۱۲۹۷



مؤسی

محمود جلال الدین



تاریخ طبع
ونشر
۱۳۵۱
۱۳۵۲
۱۳۵۳

بو رسالہ ادیبہ جمعہ ایرتسی کونلری چیقار

جغنی ناموس اوزرینہ یمین ایتش اولدیغی حالده تپه دلنه
 عودت ایتدی قاردیچه لیلر خانقو و شهنشاہ خاتملرک فرارینی
 ایشیدر ایشتمز ارقه لرندن تعقیبه دوشوب لکن بونلر ساحل
 سلامته واصل اولدقلرینی خبر الدقلرنده پر حدت اوله رق
 عودته شتابان و دوستی بکک خانه سیله اموال و اشیا سنی
 یاقوب خاگ ایلہ یکسان ایتکله شادان اولشلردر .

مابعدی وار



ملاحظات خصوصیه

—

۹۳ ارکک کچنمک هم کچندر مک ایچون چبلا ملیدر که
 قادنلره لایق اولان — راحت و سلامت تأمین ایدلسون .
 امری برعکس ایدن رجال — شایان نفرت ترجمه حال
 اصحابی درلر .



۹۴ کریمه سنی ویرمک ایچون صاحب ثروت ارایان بابالر
 اکثر یا دما دلرینی کندیلری بسلمکه مجبور اولورلر .



۹۵ تریه سی از اولان بر ارکک چوجغک پدرینه تریه سز
آدم دینه مز سه دهه - حیث سز آدم دینه یلور.

۹۶ بر قز چوجق که تریه سی نقصان اوله - والده سنده
اوشیئک فقدانته غیاباً حکم اولنه جغندن بونک ایچون
اعتراض علی الحکم جائز دکلر .

۹۷ بر زوج ایله ذوجه - تناسل عمومی - نامنده انسان
اعمال ایدیجی بر علوی فابریقه نك عمله لیدر. حق امتیازی
بالفعل حق تعالی حضر تارنده اولان بو محل ده مقید
اولق - اللهك امری و پیغمبرك قولی - ایله مشروط
اولدیغندن - انسانیت - دائماً حیفت بولنمغی ایجاب ایدر.

۹۸ بر قادین ایچون لازم اولان اوچ شیئر: عفت عرفان
حسن. بر ارکک ده بو اوچ شیئدن حسنه بدل - ثروت
لازمدر .

۹۹ قادنلرک ارککلره حق رحجانی شونکله ثابت درکه هر
اولادک والده سنه ظاهرده حکم اولندیغی قدر - پدرینه حکم
اولنه مز .

۱۰۰ هر اولاد والده سننه والده مدر دیمکده اصابت ایدر
پدرینه پدرم دیمکده مصیب اولماق ده واردر .



۱۰۱ برارکک بر برینه حس ایتدیرمیه رک ایکی قادینی
سومسی نه موافق طبیعت ونه ده مخالف طبیعت
اولدیغندن چرکین بر حرکت عداولنه مز - برقادینک
ایکی ارککه بردن محبت ایتسی چرکین بر حرکت
عد اولنور



۱۰۲ زیارتنه کیتدیکین خانه صاحبنی تجسس ایتمه -
زیراکه حق تقید سنده دکل اونده در .



۱۰۳ مسافر اولدیغک خانه ده کی خدمتکارلره زیاده
تواضع کوسترمک دوراندیش بر خانه صاحبنی
هیچ خوشنود ایتز .

محمود جلال الدین

